

明代傳記叢刊・綜錄類⑧
周駿富輯

徐本明史列傳(二)

(清)徐乾學等撰

明文書局印行

wt 75/10

明史卷二十一

姚廣孝

郭資

張

玉

譚真

朱

能

丘

福

李遠王忠王聰

李

濬

張

武

陳

珪

李

濬

徐

祥

孟

善

孫

岩

房勝

陳

賢

張興陳志王友

張

信

唐雲

陳

亨

子懋

徐

理

房寬

徐

忠

陳旭

趙

彞

亮

姚廣孝。長洲人。本醫家子。年十四。度為僧。名道衍。字斯道。讀書。工詩。事道士席應真。得其陰陽術數之學。然時無知者。獨里人王行。識為非常人。嘗游嵩山寺。相者袁

珙曰。是何異僧。目三角。形如病虎。性必嗜殺。劉秉忠流也。道衍大喜。益自負。洪武中。選高僧。以病免。又詔通儒書僧試禮部。不受官。賜僧服還。經北固山。懷古賦詩。其儕宗泐見之。曰。此豈釋子語。道衍笑不答。高皇后崩。帝命諸王與一高僧誦經。爲薦福。於是宗泐爲左善世。舉道衍。燕王與語甚合。請於帝。從至北平。住持慶壽寺。常居府中。跡愈密。時。屏人語。初懿文太子薨。皇太孫監國。仁厚好文。中外屬望。惟燕王不平。常懷窺覷。而其陰謀。發自道衍。帝崩。太孫立。削諸王。畏燕強。未發。道衍勸王反。王曰。民心向彼。奈何。道衍曰。臣知天道。何論民心。

乃進袁珙。及卜者余忠。自是燕府陰事。一切與道衍謀。常選將校。勾軍卒。收材勇異能之士。燕王居元故宫。道衍練兵後苑。穴地作重屋。周繚厚垣。密甃甃甃。日夜鑄軍器。畜鵠鴨。亂其聲。久之。謀益露。上變者日甚。燕王詢道衍師期。曰。未也。燕王始稱病。既稱病亟。會詔逮府中官屬。都指揮張信。輸誠牀下。燕王遂決策。大風雨驟至。簷瓦墮地碎。燕王色變。道衍曰。祥也。飛龍在天。從以風雨。瓦墮。將易黃也。遂起兵。以誅齊黃為名。號其衆曰。靖難之師。道衍輔世子居守。朝廷發大兵討之。數攻北平。薄城築壘。守甚固。擊却攻者。夜縛壯士。刼傷南兵。

援師至。內外合擊。斬首無算。大將李景隆平安等後先遁。燕王圍濟南三月。道衍馳書曰。師老矣。請班師。乃還。復攻東昌。戰敗。亡張王。復還。王意怠。欲稍休。道衍力趣之。益募勇士。敗盛庸。破房昭西水寨。道衍語王毋下城邑。疾趨金陵。金陵卑弱。勢必舉。從之。燕王即帝位。授僧錄司左善世。帝在藩邸。所接皆武人。獨道衍定策起兵。及帝轉戰山東。諸將悉從。北平官吏。惟道衍與郭資輩。二三文臣居守。而帝在軍三年。或旋或否。戰守機事。皆決於道衍。道衍未嘗臨戰陣。然帝用兵有天下。道衍力爲多。錄功。以爲第一。永樂二年。拜資善大夫太子少師。

復其姓。賜名廣孝。贈祖父如其官。帝與語呼少師而不名。命蓄髮。不肯。賜第及兩宮人皆不受。常居僧寺。冠帶朝退。衣緇衣。出賑蘓湖。至長洲。候同產姊姊不納。詈之不與見。訪其友王賓。賓亦不見。但遥語曰和尚誤矣和尚誤矣。復往見姊。姊詈之。廣孝惘然退。以賜金帛。散宗族鄉人。道閭閻。見酒帘書甚工。呼問。乃一少年。養以爲子。歸白於帝。賜名繼。使侍東宮。讀書文華殿。廣孝嘗監修太祖實錄。又與解縉等纂修永樂大典。書成帝褒美之。帝往來兩都。出塞北征。廣孝留輔太子於南京。永樂十六年。入覲。年八十有四矣。病甚不能朝。仍居慶壽寺。命從者曰。天

子且至。頃之。車駕臨幸。語甚歡。賜以金唾壺。問所欲言。廣孝曰。僧溥洽繫久。願赦之。帝即坐命出焉。溥洽者。建文帝主錄僧也。或言建文帝遜位時。召溥洽削髮。由水關出亡。或言匿溥洽所。帝以他事禁溥洽。命給事中胡濙。太監鄭和。徧物色建文帝。不可得。而溥洽繫十餘年。至是得釋。廣孝頓首謝將死。刻期告門人。帝臨問。無他言。及期。歛袂端坐而逝。帝聞震悼。輟視朝二日。命有司治喪。以僧禮葬。官養子繼尚寶少卿。又召其弟姪二人。賜資遣還。追贈推誠輔國協謀宣力文臣。特進榮祿大夫。上柱國。榮國公。謚恭靖。賜葬房山。帝親為神道碑誌。

其功。仁宗元年加贈少師。侑饗太宗廟。世宗九年詔曰。姚廣孝佐命嗣興。勞烈具有。顧桑門上首班。諸功臣恐不足尊祖敬宗。尚書李時等請移大興隆寺太常春秋祀。詔曰。可。

郭資。武安人。洪武十八年進士。累官北平左布政使。燕王有異志。深結資。資亦陰附託。王既殺張昺等。資與左參政孫瑜。按察司副使墨麟。僉事楊恭。率先朝燕王呼萬歲。王悅。仍其官師。行留資輔世子居守。王轉戰三年。資主給軍餉。及稱帝。為戶部尚書。命掌北平布政。建北京。改刑部尚書。定都。復為戶部尚書。時營城郭宮殿。置官吏。又出塞北。征工役繁興。資舉職無廢事。

仁宗立。以舊勞。兼太子賓客。帝寬厚。而資刻覈。不稱旨。以足疾。加太子太師致仕。宣德三年。夏元吉輟部務。起資掌其事。奉職益勤。卒贈湯陰伯。謚忠襄。官其子佑戶部主事。資治錢穀有能稱。仁宗嘗以問楊士奇。對曰。性強毅。人不能干以私。然錫租詔數下。不奉行。使陛下恩澤不流者。資也。

張玉。字世美。祥符人。仕^元樞密知院。元亡。從走漠北。洪武十八年。來歸。從大軍出塞。至捕魚兒海。以功授濟南衛副千戶。從征粉紅帖木兒。抵延川。遷安慶衛指揮僉事。又從征遠順。散毛諸洞。北逐蒙古之侵遼者。至雅寒山。還調燕山左護衛。從燕王出塞。至黑

松林。又從征野人諸部。以驍果善謀畫。為王所親任。建
文元年。王起兵。用玉策。奪北平九門。撫諭城內外。三日
而定。師將南。王獻計東攻薊州。執殺馬宣曾濬。遂定薊。
趨遵化。選勇士四鼓登陴。開城門納軍。軍盡入。守將始
覺。錯愕迎降。分兵下永平密雲。皆致其精甲以益師。擢
都指揮僉事。掌中營兵。是時都督徐凱軍河間。潘忠楊
松軍鄭州。長興侯耿炳文以三十萬衆軍真定。王說王
曰。潘楊勇而無謀。可襲而俘也。王乃以玉將親兵為前
鋒。抵樓桑。值中秋。南軍方宴會。夜半。疾馳破雄縣。忠松
夾援。邀擊。月漾橋。生擒之。遂克鄭州。自以輕騎覘炳文。

軍還言軍無紀律。其上有敗氣。急擊勿失。王遂引兵西至無極。王顧諸將。今兵宜何嚮。諸將以南軍方盛。請屯新樂。王曰。彼雖衆。皆新集。我軍乘勝徑趨真定。破之必矣。王曰。善。吾倚王足濟大事。明日抵真定。大敗炳文軍。獲左右副將軍李堅。竄忠。都督顧成等。斬首三萬。復敗安陸侯吳傑軍。南軍由是不振。江陰侯吳高以遼東兵圍永平。曹國公李景隆引兵數十萬攻北平。王與王謀先援永平。至則高遁走。王追斬甚衆。因說王曰。大寧去此不遠。襲之必克。遂從劉家口襲大寧。自辰至午。破其城。殺都指揮朱鑑。還救北平。晝擣景隆營。鄭村壩大戰。

三日。景隆大敗。乘勝抵城下。鼓譟出。表裏夾攻。南軍圍者亦大敗。遁去。從攻廣昌蔚州大同。謀報景隆收潰卒。號百萬。且復至。王曰。兵貴神速。請先據白溝河。以逸待勞。遂往駐河上。三日。景隆至。以精騎馳擊。復大敗之。追奔至濟南。圍其城。已而解圍。還破滄州。擒徐凱。進攻東昌。與盛庸軍遇。王以數十騎繞出其後。庸圍之數重。王奮擊得出。王不知王所在。突入陣中。戰愈力。格殺數十人。被創死。年五十八。燕師起。轉圍三年。鋒銳甚。至是失之。一軍奪氣。師還北平。諸將叩頭請罪。王曰。勝負。兵家常事。不足計。恨失王耳。因泣不能止。諸將皆泣。其後

譚淵歿於夾河。王真歿於淝河。王雖悼惜。不如王也。建文四年秋。王稱帝。贈王都督同知。已追贈榮國公。謚忠顯。仁宗即位。加封河間王。改謚忠武。侑享成祖廟庭。子三。長輔。次輓。次軌。從子信。輔自有傳。輓以功臣子。為神策衛指揮使。正統五年。英國公輔訴輓毆守墳者。斥及先臣。詞多悖慢。帝命錦衣鞠實。錮之。尋釋。三遷至中府右都督。皆領宿衛。景泰三年。加太子太保。英宗復位。以軌迎立功。并封輓文安伯。食祿千二百石。天順六年。卒。贈侯。謚忠僖。子試嗣。坐詛呪。論死赦免。奪爵。官其子羽為指揮使。軌永樂中。入宿衛。為錦衣衛指揮僉事。從宣

宗征高煦。又從成國公朱勇出塞。至纁帽山。正統十三年。以副總兵征麓川。還討貴州叛苗。積功為前府右都督。總京營兵。與石亨曹吉祥善。景泰二年。坐驕淫不道。下獄。尋釋。景帝不豫。同亨吉祥迎上皇南城。封太平侯。食祿二千石。性險暴。于謙王文范廣之死。輒有力焉。既得志。益橫。納賄亂政。亞于亨吉祥。天順二年。卒。卒時見廣為崇云。贈裕國公。謚勇襄子瑾嗣侯。成化二年。革奪門功。奪侯。與指揮使信舉建文二年鄉試第一。永樂中。歷刑科都給事中。數言事。擢工部右侍郎。河決開封。遣信視之。請䟽魚王口。至中樂故道。二十餘里。繪圖以進。

詔如其議。役十萬人浚之。決遂塞。出治浙江海塘。坐事
謫交趾。洪熙初。召為兵部左侍郎。帝嘗從容謂英國公
輔。公有昆季在。可加恩乎。輔頓首言。輓輓蒙上恩。以臣
故。備近侍。然奢侈好酒色。獨從兄侍郎信賢。可使也。帝
召見信曰。是英國公兄耶。趣武冠冠之。以為錦衣衛指
揮使。理刑七年。以忠恕稱。宣德六年。遷四川都指揮僉
事。在蜀十五年。以錦衣衛帶俸都指揮同知致仕。命其
子嗣職。譚淵。清流人。父勝。洪武中。為燕山右護衛副千
戶。淵嗣職。燕王起兵。從奪九門。破雄縣。邀擊潘忠楊松
於月漾橋。率壯士千。伏水中。人持一束茭。蒙頭遁。鼻息